

**MARA EVANGELICAL CHURCH**

**KRIZYHPA THYUTLIA PY**



**2023 THLAHCHHÂ CHHITHANA BU**

**BIEPIPA:**

**"HNEINA TA KRISTA A CHAKAOPA THYUTLIA" (Luka 8:3)**

**Rev. B. Khusâ  
(Former Advisor, KTP)**

**Mara Evangelical Church  
Krizyhpâ Thyutlia Py  
Hqrs. Sabawngpi**

***Copy Right @ 2023 by***  
**KRIZYHPA THYUTLIA PY**

***Format & Layout***  
San Lwin

***Author***  
Rev. B. Khusâ

***Copy: 160***  
**17 April 2023**

***Printing Press***  
MEC Office, Sabawngpi

***Published by***  
**Krizyhpâ Thyutlia Py Department**

## BIEHMIAPA

Krizehpa Thyutlia Py Department heta kô charei "Thlahchhâ Chhihthana Bu" taopa ta Awnanopa châta thlahchhâna a hnei lymâ. Cha cha Krizehpa Thyutlia Py Department ta Awnanopa nata rân châta a chakaona miakhâ chhao a châ hra. Burma rân riarina vâta Awnanopa zawpi cha riethei ngaita ta, rietheina tawhta khôkhâ nawpa lâthlôh deikua y vei. Burma rân tlâh nawpa ta Awnanopa ta maohphaona eima hneipa cha thlahchhâna he a châ" tahpa vâta 2022 MEC Theological Seminar, Mala A, dated December 3-5, chhao ta kô 2023 cha "Thlahchhâna Kô" ta a phuah.

Atakô 2023 KTP Thlahchhâ Bu he "Hneina ta Krista a Chakaopa Thyutlia" (Luka 8:3) tahpa bietlâh hmâpa ta Rev. Khusâ (Former, KTP Advisor) ta miah vaw rohpa ta, adaihti ta liata papua thei awpa a châpa vâta a chô liata thata eimâ ly ngâsâ! Krizehpa Thyutlia Py Department ta thlahchhâna he chakaona chhaichhi pha chaipa miakhâ ta eimâ pyh.

He Thlahchhâ Chhihthana châbu he atahmâhlâ eimâ tyh ngâpa rairunazy tawhta khôkhâna nata Awnanopa zawpi tlâhna a châ aw tahpa eima beiseih! Khazohpa ta he châbu he ahmâtuha KTP Department châta byhnâ khâ vaw pachâsa mawh sy!

Krista raihria liata,



Rev. San Lwin  
(Secretary, KTP)

1 - 30 June 2023

## HNEINA TA KRISTA ACHAKAOPA THYUTLIA

Biehrai Atlypa: Luka 8:1-3

Zisu cha biechhopa ta nata Khazohpa khinarâh Thâtipha pahnosa awpa ta khih laipa nata khih chyhpa zy chahry lymâ ta, A hnohta pahrawleipazy chhao ahlaohra ei ta, Amo he chakaona raihria awpa ta Zisu atlypazy ama châ. Zisu siena maihta chakaona abaotuhpazy ama châ. Amo he practical ta chakaona rai ahriapazy ama châ. Keimo chhao practical ta chakaona rai ahriapa eima châpa he my lei awpa a châ. Achhâpa cha Thlahpa Pathaihpâ ypatuhpazy eima châ vâta.

He liata hneina ta Krista a chakaopa mopâtlâh a châpa chanôzy hmô theipa a châ. Mari, Madali ama biepa achhoh tawhta ahriapa pasari apuapa zy, Herawda sôh amokhatuhpa zy Kuza lapinô zôanazy, Susana zy nata a hropa hlupi zy chhao ama châ. He chanôzy heta ama hneina sôh ta Krista ama chakao. Amo he ahlaofa ta tly ma? Hlao hneipa ta chakaopazy châ leipa ei ta, amo hneina ta Krista ama chakao. Keimo thyutliapazy chhao pi ta Krista pachiapa ku nata phei eima châpa vâta Krista he eima hneina sôh ta chakao lymâ awpa eima châ.

### **Thlahchhâ awpazy**

1. Hneina sôh ta Krista achakaopa thyutlia châ awpa
2. Khazohpa ta mia apiepa talent hawhta Krista chakaopa thyutlia châ awpa
3. Noto hro liata ngâchhih kawpa ta Krista achakao thyutliazy pôvia lymâ thei nawpa

1-31 July 2023

## HNEINA SÔH TA KHAZOHPA PALYUPALINA

Biehrai Atlypa: Bisozy 3:9-10

Na hneina ta ABeipa palyupalih la, nâ thôna tua chaipa chhaota, tah ta. Hneina ta ano palyupalituhpazy hnohta sawva cha bie pakhô awpa ta nata Kresawti sauna khao liata kresawti thiepa khô palo awpa ta bie ataipa a châ. He eima khizaw lei dâh ryhpa hawhta saipa cha maw sala, chyhsapazy châta peimaw chaipa he sôh nata piah achâ tly aw. He khizaw liata Zisu acharei daihti liata apachupa mopahrawhleinozy hry liata pakha chhao kha Zisu Tlawsytho avaw zua hawpa a châ. Cha hawh tlaita atahmâ hlâ khizaw kiathy kawpa liata keimo thyutliazy pita Zisu he khazie tlai ta eima zua hratly tahpa eimâ mopasia apha kaw.

Mothokhazy ta sôh nata piah heta he khizaw liata mopakha mopatha nawpa tlyma? Chhôhkha mopatha nawpa tlyma? Râh mopatha nawpa tlyma? Sôh nata piaH hlupi ahmâpa ama y. Thokhazy ta a mahneina sôh piah ta Zisu Krista moh patha nawpa châta ahmaâpa ama y hra. Cha hawhta keima thyutliazy pi he zaw eima hneipa sôh he khâpa châta eima hmâ via tly? Keimo thyutliapazy chhao ta eima hneina sôh heta Khazohpa apalyupalituhpa nata eima Beipa Krista châta ahmâ viapa eima châ khihtala, Hla phituhpa ta Khazohpa ta chyhsazy hnohta lei abâ vei tahpa he ahmeiseipa ta eima vaw pahno hâ aw.

Eima hneina sôh heta Khazohpa moh parônahsa suh vy!

### **Thlahchhâ awpazy**

1. Hneina sôh ta Khazohpa palyupalipa thyutlia châ thei nawpa
2. Keimo mohpatha nawpa ta sôh piah hmâtuha châ leipa ta Khazohpa moh parônahsa nawpa ta sôh piah ahmâtuha thyutlia châ awpa
3. Khazohpa chakao nawpa châta sôh piah ahlâ theipa thyutlia châ thei awpa

**1-31 August 2023**

**ABEIPA CHA KHÂPA E EI PIE HRIH AW?**

Biehrai Atlypa: Hlazy 116:12

Abeipa Davi ta cha, Khazohpa ta ei chô liata hmo phapa ataopa zydua vâ heta Khâpa e ei pie hrih aw tly avaw tah. Khazohpa chakaona raihria liata arônah chaipa sâkha cha piena ta chakaona he a châ. Moto zydua taotheipa achu angiah leipa ta eima hneina sôh piena tlaô a châ. Ahluh nata achyh abyuh leipa châ ta, apie leituhpazy ta thai châna bie rei awpa y veih. Khâ vâta Khazohpa cha eima pie hrih aw tly?

- 1) Khazohpa ta A Sawchapaw hnei chhôhpa asaipa ta apiepa adaotuhpa eima châ vâta ( Zawhana 3:16 )
- 2) Thlahpa Pathaihpa asaipa ta piepa adaotuhpa eima châ vâta ( Htp 5:32 ) ( Kal 3:14 )
- 3) Chhazaw hrona asaipa ta adaotuhpazy eima châ vâta (Zaha 3:36)
- 4) Thlahpa Pathaihpa hmopiepa anano ananopa ta hmôtuha eima châ vâta (1Kawrini 12:4)
- 5) Khazohpa kyhpachâna asaipa ta a hmôtuha eima châ vâta (Eph 3:7)

Cha hlei khôpa ta Khazohpa hmosai piepa Nosa, Vasua, Thlipathaipa, ti nata niebaw to rai, tlâhna, thatlôna eima to zy vâta pie hrih hra awpa a châ. Khazohpa na chô liata hmopha taona he pachâ sila, keimo thyutlia zy pita Khazohpa châta ku riapha achhuah suh vy.

**Thlahchhâna awpazy**

1. Khazohpa eima chô liata hmopha taona pahno pasia thaipa thyutlia châ awpa
2. Khazohpa châta ku riachhie châ leipata ku riapha a châpa thyutlia
3. Khazohpa kyhpachâna areipati thaipa thyutlia châ awpa

**1-30 September 2023**

## **KHIZAW SÔH TA VIASA ATA O TEH U!**

Biehrai Atlypa: Luka 16:9

Eima Beipa Zisu ta apachupazy hnohta khizaw sôh ta viasazy tao awpa ta achho ei. Sôh heta chhazaw yna su liata maniah pa ysatuha châ awpa ta eima pachâ thei aw. He bie arei khohna asia via nawpa ta reithaby lâta vaw mo tua ei sila. Sôh pakhyapa he English Bible liata mammm of Unrighteousness tahpa châ ta, Sôh (money) tahna a châ. Grik reita (Mammonas) Latin reih ta mammona tahpa yzie cha hneirônah (riches) tahna a châ. Hneirôna he khizaw chyhsazy ta ama chhyapa (Worship) chaipa a châ vâta. Chavâta sialeina sôh tahpa ta avaw ropa a châ. He pachuna bie heta sôh he ado kawpa ta hmâthai awpa ta maniah apachu khotha a châ.

Aleidia theipa sôh hmâpa ta Missionary zy, Thâtihipha chakaona raihria châta hmâna he cha thlahpa leidia pachhapazy cha nohro vârah eima tlô tita, alykawpa ta maniah avaw dy awpa (Welcome) awpa zy ama châ. Chavâta leidia theipa sôh hmâpa ta viasa ataotuhpazy he nohro la amâ lyna aki aw. Keimo chhao eima hneina sôh heta Krista raihria chakaona châta hmâpa ta vârah liata viasa hluhpi eima vaw hnei hâ aw. Arao theipa sôh ta viasa atao ei suh vy!

### **Thlahchhâna awpazy**

1. Eima hneina sôh viasa ataotuhpa thyutlia châ awpa
2. Hneina sôhh ta Thâtihipha chhotuhpa baona châta ahmâpa thyutlia châ awpa
3. Awnano ahmâna, Campaign zy hawpa liata hneina pasaitheipa thyutlia châ awpa

**1-31 October 2023**

**AVÂ LIATA NAMA RYU ZY PACHÔ TEH U!**

Biehraï Atlypa: Mathai 6:19-20

He alei liata eima ryusôhzy he tlyzaw awpa sâkha hmahta y vei. He bie he pha kaw ta châhrasala ahmeiseipa ta tao theipa ama achyh kaw. Achhâpa cha sawzy nata tusawzy châta ryuphapa so awpa eima khoh chyupa vâta a châ. Eima hmo papuapazy chhao apeimawh kawpa lia chhao ta hmâ pasaih leipa ta eima pachô tyh. Viasa hropazy achadaïpha lei awpa chi pita, ahneirôhpazy hawhta hneipa eima khoh hrâpa vâta vâ liata ryu pachô awpa chhao thai tyh khao aw mapi.

Henry Kissinger ta areipa cha he khizaw liata ngiachhie achhih kawpa sâkha cha hmo eima khoh kawpa hneipa eima khoh kawpa cha vaw hnei pita, achhâna liata hrao lei pasai a châ tyhpa he a châ a tah. Abeipa Sawlawmaw chhao kha abeina râh, sôhna, hmiphana, hneirôhna, bieheina, apalysana, mokhaoh mokhohna, khizaw liata hneikhohpa nata châna khohpa zydua taotheipa ta vaw hnei tyh hra sala cha zydua cha hraoleipa khâpahma phahnai leipa a vaw châ thlâ haw a tah (Biechhotupa 2:10-11).

Luka 12:16-21 liata Zisu ta ahneirôhpa ryu pachôna thâti eima hmô. He ahneirôh paw he hmo hropa liata tloh leina y veih. Atloh leina chaipa cha ano chata ryu hlupi pachô hra sala Khazohpa hnohta ryu sâkha hmah ahnei leipa he a châ (12;21). Alei ryu hnei kaw hra sala avâ lâta ryu deikua deichhie chaipa a châ. Eima hneina sôh ta vâ lâ ryu pachôpa thyutlia châ ei suh u!

**Thlahchhâ awpazy**

1. Hneina sôh ta avâ lâ ryu apachôpa thyutlia châ awpa
2. Khizaw ryu hlâta vâ lâ ryu pasotuhpa thyutlia châ awpa
3. Sapa pôhpa ryu hlâta thlahpa lâta ryu pachotuhpa thyutlia châ thei nawpa



**1-30 November 2023**

## **HNEINA TA EIMA CHAKAO TITA**

Biehrai Atlypa: Jeramian 17:10

Khazohpa cha palôrupa amotuhpa nata pasiatuhpa acha. Alâ theipa eima ngiana, eima thaina, eima thatlôna zy mania mopa vei. Chahaw tlaita hmo eima pie tita chhao alâtheipa ahlu nata achypa liata Khazohpa moh leipa ta apietuhpa palôrupa lâta tlaao amopa acha. Hneina sôh piena ta nachakao tita, kheihawpa paloruphaopa ta napie ty tly.? Ta pahe nama nata keima châta hmo peimawkawpa acha. Hmo pieta nachakaona liata chysa hropa zy mongia awpa ta acha veikhia alyna nata kyhpachana vata Abeipa nata Awnanopazy châta apiepa ma nacha tapa he eima mo pasia awpa apha kaw.

Eima hmotaopa heta eima châna apalâsa kaw. Eima hmotaopa zydua chhao Khazohpa ta mania amo thla haw. Eima chakaona liata, ngiachhipa nata chhi leipa, Ano Khinarâh châta eima pha hnai ngiana, Ngia veina, Ano châta eima pasaina nata pasai viana zydua kha mania amo tuhpa a cha. Maka 12:41-42 liata Taka thyuna by kia pa liata Zisu a tyuta. Chyhsa rôhnapa hlupi zy a hlupi ta vaw thyu thyu chy eita, Nohmei sipasapa zy a vyta phusa dipa sano pathla ta Zisu ta a rei pacha taka thyuna by liata chyhsa rôhnapa zy thyupa hlata he Nôhmei thyupa he a hlu chai a vaw ta. Chavata eima palôru hmeisei ta Nôhmei hawta Abeipa he eima chakao awpa a cha.

### **Thlahchhâ awpazy**

1. Nôhmeipa palôru hmeisei ta hneina sôh ta a chakaopa hawhta keimo chhao chakao hra awpa
2. Chipho a lâtheipa ta chakao leipa ta alâ thei leipa palôruh hmeiseih ta a chakaopa thyutlia châ awpa
3. Abeipa châta ku riapha a châpa thyutlia châ awpa

**1-31 December 2023**

**KHÂ VÂTA KHAZOHPA EIMA CHAKAO AW?**

Biehrai Atlypa: 2 Kawrini 9:7-9

Hneina sôh ta chakao awpa nata pie awpa eima châ tahpa he he hawhta a chhy ei sila,

1. Khazohpa hropa a ngiapâtuhpazy eima châ vâta
2. Chakao awpa ta pachhapa eima châ vâta
3. Khazohpa kyh eima pachâna palâsa nawpa ta
4. Khazohpa biepiepa a châ vâta
5. Râh to liata thâtihpha chho awpa eima châ vâta
6. Krista raihria chhâh chabâhpa pazaotuhpa eima châ vâta
7. ABeipa-o liata nie awpa a y chei nawpa ta
8. Vâ-opy zy maniah a pahypa aw vâta
9. Eima vaw hneirôh thei nawpa ta
10. Eima vyuhpa ta chyhsa hropa zy tuah awpa abyu vâta

**Khâpa hmozy eima pie aw?**

1. Eima hlaona (Daily wages) tawhta
2. Eima ku hria theilâpa tawhta
3. Sôh eima lângiapa chi nanopa zy
4. Hmozuana, Sôhpaliena trout hriana, sahro nata chicheipa zuana hawhta
5. Hmosai piepa eima daopa tawhta
6. Eima sahro zy tawhta pasai kawpa ta a pie tuhpazy he Khazohpa ta aly kaw ta kyh apachâ kawpa zy ama châ

**Thlahchhâ awpazy**

1. Pasai leina chôta nata pie lei thei leipa hawhta pachâ ta apiepa châ via awpa
2. Pasai kawpa ta a piepa thyutlia châ awpa
3. Khazohpa ta alypa nata kyhpachâpa châ awpa ta a chakaopa thyutlia

1-31 January 2024

## LAPA HLÂTA PIEPA TA BYHNÂ TO VIA

Biehrai Atlypa: Hmotaopazy 20:35

Lyuchâpa Pawla he chyhsa tiama kawpa châ ta, Krista Thâtihpha chakaona raihriana kyh liata chyhsa hropazy baona hlâta ano nata ano a patôpatiah thei kawpa a châ. A chakaona liata hmopha taona kyh lia chhao ta chyhsa hropazy pahnotuhpa châ awpa he a chhuah lymâpa a châ. Chavâta Titu 2:6-8 liata Titu hnohta pasyuna bie rei ta, na pachuna liata na hmeiseihnazie zy, na bie reipa â dozie rei pasipasaw awpa rimâ châ leiziezy, na zachhihnaziezy, mohropazy hnohta palâsa te tahpa ta apasyupa hawh tlaia ano chhao ataopa tyhpa a châ.

Hmopiena kyh lia chhao ta pasai kawpa ta pietuhpa châ awpa he a pachu chai hra. Chavâta Zisu biereipa thao papuapa ta khâpa leipa ta lapa hlâta piepa ta byhna alo via tahpa he avaw reipa a châ. Areikhohpa cha alatuhpa hlâta apietuhpa ta byhnâ ato via tahna a châ. Cha hawh tlaita keimo thyutliapazy chhao pita chysa hropazy hneipa latuhpa châ leipa ta chysa hropazy pietuhpa eima châ awpa a châ. Cha hawhpazy cha byhnâ ama vaw to.

Cha hawhna hra chata Zisu Krista eima chakaona liata araihria chabâhpa pazaona liata aparaotuhpa, apahrutuhpa, alatuhpa, hrialâtuha, abaotuhpa, apietuhpa, eima châ awpa he thyutliazy eima pasyu khohkawpa a châ.

### **Thlahchhâ awpazy**

1. Khapa leipa lâhtuhpa chalei pata apietuhpa cha awpa
2. Zisu chakaona raihria liata abuatuhpa chalei pata abao tuhpa cha awpa
3. Chysa hropa zy châta lâhtuhpa chaleipata apie tuhpa cha awpa

1-29 February 2024

## ZISU CHÂTA PAHMAOKHEITUHPA (OR) PAPAITUHPA

Biehrai Atlypa: Mathai 12:30

Nohkha cha Zisu hnohta mochaopa reipathlie thai leipa ahripa ta apatupa vaw chei ei ta, Zisu ta ano cha patlâh ha ta, zawpizy ta ama no-âh kaw ta, he he Davi sawchapawpa a châ thei ma? tah ei ta. Pharisaizy deikua chata ama pahno nata ahripazy beipa Belzebul vâ dei leipa ta he chyhsa he ta ahripazy papua thei aw vei tah ei ta. Ama pachânazy Zisu avaw pahno nata ama hnohta, sata ta sata apapua khiah ta cha ano sasyh ta adyupa a châ. Râh tlyma, kih tlyma, chhônka tlyma, adyupa maih aduah thei aw va ei. Keima ta Belzebul vâta ahripazy ei papua khiahtala ahy vâta e nama sawzy cha papuapa ama châ aw tly? Khazohpa Thlahpa vâta ahripazy papuapa ei châ khiahta la Khazohpa khinarâh cha nama chô ta avaw tlô haw tahpa ta vaw chho ta. Arei khohpa cha Ano Zisu lâta chhâh a châ leipa maih cha sata lâta chhâh châpa ama châ. Chyhsapa pi heta chhâh eima châpa hnei leipa ta y tla mapi. Chhâh châpa eima hnei khaipa a châ.

Zisu chhâh a châ leipa zydua he Ano adyutuhpa ama châ. Pahmao pakheituhpa eima châ vei khiah, papaituhpa eima châ aw. Chavâta keimo thyutliapazy pi eima hneina sôh ta Zisu rai pahmaokheituhpa châ awpa he eimâ khoh khei kawpa a châ. Eima pôhkha chyuta apasia sila, Zisu pahmaokheituhpa thyutlia ma, Zisu papaikheituhpa thyutlia ma?

### **Thlahchhâ awpazy**

1. Zisu rai papaituhpa châ leipa ta pahmaokheituhpa thyutlia châ awpa
2. Sata chhâh a châ leipa thyutlia
3. Hneina sôh ta Zisu pahmaokheituhpa thyutlia

1-31 March 2024

## HNEINA SÔH TA KRISTA ANAOPA THYUTLIA

Biehrai Atlypa: Mathai 2: 11

Nochhi chyhsasopenaw ama yna râh moh, pho moh zy maniah chho leipa ta, châhrasala, Greek chyhsa rônahpa Herodotus ta areipa cha he chyhsazy he Midia moh theithai phozy châ ei ta amo cha mâ palie thaina, biehmeisei pahno thaina, thohna lâ nata awsi lâta athaipazy ama châ a tah. Apeimawhpa cha amo cha khei hawhpa chyhsazy maw tahpa pahno aw hlâta amo cha chyhsa rônahpa asopazy ama châ. Khatai liata maw Zuzy Beipa avawpipa cha tahpa ta amâ laichadai theinapa he Khazohpa chhihthana tlyma? Pahnosana (Special Revelation) adaotuhpazy ama châ.

Hawti Zisu hnei nata anao awpa ta ama vaw sie nota Zisu hmô hlâ lei hnabeidy leipa ta ama sie lymâpa he palôHru chyh ngai tahpazy ama châ. He chyhsa sohpaazy he sona, thaina, pahnona sâh kawpa ahneipazy ama châ thlâ tarawpa ta Hawtipa ama hmô nata pakhu paneipa ta Hawtipa cha amâ naoh haw. He heta areisina hro ama hneipa apalâsa kaw. Chyhsasohpazy heta hawti Zisu anaohna châta ama hneipa chi (3) ama vaw piepa a châ.

Chazy cha,

1. Ngô (Zisu Krista cha ABeipa a châ tahpa pamosana)
2. Deiry (Zisu Krista pathaihna pamosana)
3. Myr (Zisu Kraws liata tao nawpa pamosa)

Sona, thaina, pahnona sâh kawpa ama châpa chhao ta areisi kawpa ta Zisu he hneina sôh ta amâ naohpa hawhta keimo thyutliazy chhao Zisu he hneina sôh ta anaoh suh vy!

### Thlahchhâ awpazy

1. Hneina sôh ta Zisu anaohpa thyutlia châ awpa
2. Areisi kawpa ta Zisu anaotuhpa a châpa thyutlia
3. Eima châna apalaikhei leipa thyutlia châ awpa

1-30 April 2024

## HMOPHA ATAOPA THYUTLIA

Biehrai Atlypa: Kalatia 6:9

Hmopha taonapa he Thlahpa liata chareina siena tawhtapa a châ leipa khiah Khazohpa mhmô liata hmophapa tlô thei veih. Sahpa khohpa ta a ypazy ta Khazohpa ama palysa thei leipa vâta (Rom.8:7-8). Lyuchâpa Pawla ta Hmopha tao awpa ta Krista Zisu liana chata taopa ta Ano ku hriapa châ tlô pita, cha hmopha taopa cha eima chânazie awpa ta Khazohpa ta a chhuahno chhieliepa a châ a tah (Eps.2:10). ABeipa moh ta hmopha eima taopa he a chytuhpa y vei. Ti cha kua nyukhapa chhao Khazohpa a thei thlâ hawpa a châ.

Ngiapâtuhpazy pi cha hmopha tao awpa ta hnabeiseipa eima châpa hawhta tararuana châ leipa ta khohkheina nata kyhpachâna vâta keimo châta hmophapa a vaw châ hei awpa a châ vâta Thlahpa ta Pawla hmâpa ta a haw ta maniah a hawpa tlaao a vaw châ. Hmopha taona liata eima diathlâ leipa khiatala, lapa ta maniah a chho. Ataopasuana liata adiathlâpazy he lymâ hmô beih vei ei. Apathliethana he kynâ a châ tyh.

Lyuchâpa Zami ta cha hmopha tao awpa pahno ta ataoleipa cha ano châta moleina a châ a vaw tah hrâpa a châ. Taohualuana, thina taihta ngâchhihpa ta yna, Taipa lata pangai lylianazy nata Krista moh vâta hmopha taonazy he lymâ hmô nawpa sai a vaw châ. Keimo chhao eima thatlôna daihti nata ngiachhiena daihti liana heta Krista châta hmopha tao lymâ suh vy!

### **Thlahchhâ awpazy**

1. Krista moh vâta hmopha a taopa thyutlia châ awpa
2. Diathlâ leipa ta ataopasuatuha châ awpa
3. Thatlôna, tlâhna daihti eima hnei chhoh ta Krista râh châta arapasuapa thyutlia châ awpa

1-31 May 2024

## CHAKAONA RAI APATLÔPA THYUTLIA

Biehrai Atlypa: 2 Timawthy 4:

Khazohpa ta a chyhsazy he a sosi ta a cha do awpa mia a khohkhei. Achhâpa cha maniah aparao awpa a hlutuhpa vâta a châ. Nothlapa achhy leipa ta cha do awpa (Rypa chaneina 4:15). A yzie a chado leipa cha a thi aw (Biso 19:16). Vai chô liata a cha do te u (Zaramia 9:4). Hrosopakheizy liata a cha do te u (Mt.7:15). Chyhsa chyhpa ta mopa kho lei awpa ta a cha do te u (Mt.18:10). Acha do u la, riavaipa ta thlahchhâ teh u (Mk.13:33). A cha do nawpa hlupi maniah a pachu. Châhrasala eima Khazohpa ta riethei tao awpa maniah a pasai. Chavâta (phel 1:29) liata Ano vâta riethei tao aw eima châna a palâsa. Rietheina eimâ vaw tyh tita Khazohpa maniah siesai leipa ta, Khazohpa cha miah ypâtuha, maniah baotuhpa a châ tahpa na vaw pahno tita ABeipa liata khâ alyna hro na vaw hnei ha aw.

Eima hria awpa cha Thâtihpha chho rai a châ. Thâtihpha chhona rai he hrianazie chi hlupi a y. Pôhpa tlaita sie hnao awpa a tuapazy y aw eita, hneina sôh ta ahnawpazy ama y hra aw. Keimo thyutliazy pita pôhpa ta ahnawpa eima châ vei khiah hneina sôh ta ahnawpa eima châ aw. Hneina sôh ta Thâtihpha chho raihria suh vy. Chakaona rai patlô tahpa he chakaona rai miah apiepa Thâtihpha chho rai a châ. Thâtihpha chho rai liata, 1) Thatihpha chhohtuhpa 2) Hneina sôh pietuhpazy a vaw byu haw. Nâ zaw Khazohpa ta khâpa liata a hlaopa ta Thâtihpha chho raihria awpa ta a cha hnaw tly? Maniah â hnawpa rai patlôpa thyutlia châ awpa he eimâ khohkhei chaipa a châ.

### **Thlahchhâ awpazy**

1. Zisu moh vâta a sosi theipa thyutlia
2. Zisu vâta riethei tao hualua pa thyutlia
3. Zisu rai mania apiepa patlo theipa thyutlia

**LOCAL KTP HÂTÂ & ADUANOH REPORT**

Târi: \_\_\_\_\_

Local KTP Moh: \_\_\_\_\_

**1. Chhihthana Bu Reina**

<b>3 June 2023 (Saturday)</b>	<b>4 June 2023 (Sunday)</b>
Chhituhpa : _____	Chhituhpa : _____
Achu theipa : _____	Achu theipa : _____
Sôh Hmôpa : _____	Sôh Hmôpa : _____
<b>5 June 2023 (Monday)</b>	<b>6 June 2023 (Tuesday)</b>
Chhituhpa : _____	Chhituhpa : _____
Achu theipa : _____	Achu theipa : _____
Sôh Hmôpa : _____	Sôh Hmôpa : _____
<b>7 June 2023 (Wednesday)</b>	<b>8 June 2023 (Thursday)</b>
Chhituhpa : _____	Chhituhpa : _____
Achu theipa : _____	Achu theipa : _____
Sôh Hmôpa : _____	Sôh Hmôpa : _____
<b>9 June 2023 (Friday)</b>	<b>Sôh Hmôpazy</b>
Chhituhpa : _____	Hâta Ahmâna Sôh : _____
Achu theipa : _____	KTP Aduahna Sôh : _____
Sôh Hmôpa : _____	Zydua (NPS) : _____

**2. Hâtâ Ahmâna Report**

- 1) \_\_\_\_\_
- 2) \_\_\_\_\_
- 3) \_\_\_\_\_

**3. Aduanoh Ahmâna Report**

- 1) \_\_\_\_\_
- 2) \_\_\_\_\_
- 3) \_\_\_\_\_

**4. Local KTP Member**

Chapaw : \_\_\_\_\_  
 Chanô : \_\_\_\_\_  
 Zydua : \_\_\_\_\_

**Remark:** He report form he Hq. KTP Secretary lâta paphaopa châ aw ta, sôh deikua cha Biatuhpa siepahliehpa ta (Local KTP Sôh Avaona Dâh hawhta) Concern Office lâ paphaopa a châ aw.

Krista liata,

Local KTP Secretary moh: \_\_\_\_\_